

كل اللي بينا

د/نجوى محمد سلام

مصر

كل اللي بينا كان نرف روح

متبعثرة على صفحة الأقنعة والزيف

فازاي عشقتك يا حروف أربعة؟

وازاي كل اللي بينا انتهى وكأنه سحابة صيف؟

أنا كنت بلضم أمنياتي عقود

وحلمي عدي السور

وبراحه ماله حدود

بالمريلة الكحلي من يوم ما كنت بريئة

وأحلامي متكثفة بفيونكة الموجود لكن معاك لونتلي الأيام

وسلامي غزلت شمسه جلبابها بستان وجودك جوة مني إمام

بيؤمنني بأمان صلاة ( إثنين بقم واحد )

فازاي في طرفة عين واحد قسمته إثنين بورقة ولا الألغام؟

وإزاي بجرة قلم تهون سنين العشرة والإعجاب وتحوله استفهام؟

ط: طار جناب العشق وإداري في الملكوت

ل: لملموني بعد كسرى وحطوني جوه تابوت

أ: الأمان ألقاه في دربي إزاي بعد أما وصلته بإيديك للموت؟

ق: قدرني معاك

رغم إني بأصرخ م الجراح والنزف

حالفة الجراح أبدا ما يطلع صوت

ما أنا شيلت وصمة عار .. غرامك يا جناب ال .....

بلاش أعيب في نفسي يا نفسي ما أنا اللي من نحسي

زينتك بتاج ملكي وجريت كما الهيلة

أتباهي وأقول ملكي

ملكلي المتوج صبح في الكون جميع ناسي

فإزاي قدرت بقسوة تجرحني؟

إزاي طبيب روجي صبح قاسي؟

وإزاي يا حلمي .. يا كل أحلامي .. يا أغلى أحلامي

لكل أحلامي تهدم بفاس الغدر وبخسة

ملعونة كلمة طالق بتطلقها

ملعونة يا رصاصة سكنت في قلب الروح

مسمومة وبسمها لوثت أيامي

أنا مش بلومك يا اللي كنت زمان

حصن الأمان

طوق النجاة في وسط موج الحياة

أنا بس بسأل نفسي

كيف أبدأ تاني في يوم رحلتي

من غير وجودي معاك؟

وإزاي في يوم أنساك؟

وأرسم سنين عمري

الجاي من غيرك مع غيرك

وتلونه عيوني بالفرشة والألوان

وبضحكتين م القلب ينسوني عطب روحي

ويرجعولي السنين اللي سرقها هواك

بكومة التخاريف و الأفتعة والزيف

وحرورك المتشعبة أو هام